

157 D. 9. 10 /
TENTAMEN MEDICUM
INAUGURALE
DE

RHEUMATISMO ACUTO,

QUOD

FAVENTE SUMMO NUMINE,
Ex Auctoritate RECTORIS MAGNIFICI,
DIDERICI VAN DER KEMP,

S. S. THEOLOG. DOCT. ET HISTORIAE ECCLESIASTICAE IN ACADE-
MIA LUGDUNO-BATAVA PROFESSORIS ORDINARI, UT ET
V. D. IN EADEM URBE MINISTRI.

NEC NON

Amplissimi SENATUS ACADEMICI *Consensu*, &
Nobilissimæ FACULTATIS MEDICÆ *Decreto*,
PRO GRADU DOCTORATUS,

Summisque in MEDICINA Honoribus & Privilegiis, ritè et
legitimè consequendis,

Eruditorum examini subicit

HENRICUS MACNEALE KENNEDY,
HIBERNUS.

SOCIET. MEDIC. PHYSIC. EDINENS. SODAL.

Ad diem XI. Augusti MDCCLXXV. Hora Decima L. S.



LUGDUNI BATAVORUM,

APUD P. VAN DER EYK ET D. VYGH, 1775.

Ornari res ipsa negat, contenta doceri.

AMICIS VERIS, ORNATISSIMIS,
PER HUMANIS;

VIRIS EX PIETATE, INGENII FULGORE,
MORUM ELEGANTIA, DOCTRINA,
ÆSTIMATIS;

PATRICKO SIMSON,

AVO SUO HONORATO, DILECTISSIMO, ELOQUIO-
RUM DIVINORUM INTERPRETI OLIM ACCURA-
TO, ET JUXTA DUNKERANUM IN COMITA-
TU LUGENSI IN HIBERNIA, NUNC VI-
TAM PRIVATIM AGENTI;

NEC NON

DAVIDIO MACBRIDE,

ARMIGERO, MEDICINÆ PRÆCLARO ILLI DECORI,
ARTEMQUE SALUTIFERAM APUD EBLA-
NAM AUSPICATO EXERCENTI.

AMICITIA HUIC, NATURA ILLO DEVINCTISSIMUS,

H. M. K.

Felicitatem.

Insequentem Dissertationem vobis dicare ausus sum; vestra tamen comitate haud parum fretus, & cum ita sit, me togam liberam necdum induisse. Multa tam commoda quam utilia humanitati vestræ debeo. Favete igitur operi huic tenello; Favete etiam auctori, in patrocinio vestro speranti; qui & molimina suscitantis se ingenii perbenigne sustentare soletis. Vivete felices, viri spectatissimi, valetudinem firmam, illibatam diu conservetis.

Tentamen hoc juvenile, ut grati ac memoris animi signum, summa cum observantia vobis sacrum esse voluit.

A U C T O R.

Dabam Lugduni Batavorum
die X. Augusti

MDCCCLXXV.

THE UNIVERSITY OF CHICAGO
LIBRARY

1000
1000


1000
1000

1000
1000

1000
1000

1000
1000

1000
1000



TENTAMEN MEDICUM INAUGURALE

D E

RHEUMATISMO ACUTO.



P R O O E M I U M.



In ipso hujus dissertationis objecto eligendo, per aliquod temporis spatium dubii hæsimus, cum in animo nobis esset historiam quandam morbi eligere, qui non tantam ac accuratam investigationem requirens, tenuissimis nostris viribus melius conveniret. Nec quin inveniremus, dubitavimus, quin tantus morborum existat numerus. Omne temporis puerum malis stipatur, quæ nulla humanæ prudentiæ acies prævidere valet: & quaelibet ætas, se-

xus & temperamentum sibi proprios habet morbos ad quos evitandos hominum vires non sufficiunt. Nec tanta, nec tam subita aeris est mutatio, quam acumen malorum, quibus morbus & dura mortis necessitas ab incunabulis, ad tumulum usque humanum genus excruciant. Crudelis ille humani nominis inimicus, quavis hora tristitia nobis adfert nuncia, quorum fortissuma, per caræ parentis, vel dilecti amici obitum agravescit.

Argumentationum hypotheticarum vanitatem nullus morbus clarius evincit, quam ille, in quem hic commentari in nosmet suscepimus. Variæ enim concinnatæ fuere hujus morbi theoriæ, quarum vero nulla, temporis aut experimenti confirmata stetit testimoniis: nec ex iis ingeniosissima quidem, ad praxin medicam illustrandam contulit, ad quam, si applicari nequeant, quis harum est usus, quis denique fructus? Hæc vero non de rheumatismo solummodo valent, sed, si locus permitteret, de plerisque morbis, quibus genus humanum misere premitur, eadem hic possent prædicari—Ex illis quidem perpauci sunt, in quorum phænominis explicandis, Viri celeberrimi non ingenium mire exercuerunt, quorum vero conatus, paucissimis exceptis, artis medendi progressum potius retardarunt, quam promoverunt. Certissima hujus rei in historia Medicinæ exstant testimonia. Interim fatendum tamen est, hanc scientiarum partem non tam universali ac indefesso studio excultam fuisse, ac illius, qua reliqua vincit scientiarum genera, superior utilitas meretur: sic ut ipsis his temporibus computatione eorum facta, quæ in Medicina adhuc sunt desideranda, verear, ne
in

in tantum excrescant catalogum, ut vix nobis locus daretur, de iis gloriandi, quæ certis stabilita remanerent fundamentis. Status tunc Medicinæ, quem proposuimus, si verus sit, quam dura est necessitas eorum, qui ardua Academiæ lege constricti, nulla propriæ doctrinæ aut voluntatis ratione habita, scriptis in publicum prodire coguntur, antequam tempore maturuit iudicium, & propria experientia, ea confirmavit præcepta, quæ tam speciosis argumentis exornata in scholis medicis proponuntur. Jubente vero lege, nostrum est, ut morem geramus. His igitur præceptis & nos legitime obtemperantes, insequentem commentarium in morbum, qui frequentissime in illarum insularum occidentalium (Britanniæ & Hiberniæ) incolas sævit, examini ingeniosi practici summa cum humillitate submittimus, cui solummodo judicare convenit, quantum cum vero conveniat, & quam idcirco mereatur laudem.

Accuratas morborum referre historias, studium maximopere commendandum esse, quis dubitat? cum in eo solo fundamento Medicinæ incrementum nititur; Nihilominus tamen pauci huic studio operam dederunt, & pauciorum adhuc felix eventus coronavit tentamina. Maxima Medicorum turba, ne cogitare quidem dignatur jure hanc rem ab omnibus iis expectari, in quorum potestate posita est: & recte ab iis dici posset, quod oculis non videant, nec auribus audiant. Quomodo igitur hæc res est perficienda? Quorsum, quaeso, petendæ sunt morborum illæ historiæ? An proprio studio in conclavi, an potius frequenter

affidendo lectis ægrotantium colligendæ? An ab iis, qui ad gradum capeffendum fefe accingunt, an a practico, cui multos morbos videndi occasio facta fuit, expectandæ? In aprico patet responfum: nec ideo plerumque novi aliquid ex dissertationibus inauguralibus expectatur.

HISTORIA MORBI.

Nulla hujus morbi descriptio in veterum scriptis exstat, cujus rei causa non ex neglecto observationis studio, sed ex morbi natura est derivanda, quippe qui rarissime sub cœlo calidiore occurrit. Iis enim sufficiebat accurate eos describere morbos, qui illorum observationibus obvii veniebant, & in quibus producendis non intemperantia in vitæ regimine, sed mores inculti potius erant accusandi, & ideo nec numero pauci nec natura simplices exstitebant. — Natura enim est status hostilitatis. Quum vero Rheumatismi nomen primum morborum intravit catalogum, morbus hic non ab Arthritide distinguebatur, & ambo hi termini promiscue in usu erant ad acutum in articulis dolorem significandum. Cœlius Aurelianus (*a*), Trallianus (*b*), Aretæus (*c*), Rheumatismi vocabulo haud raro utebantur; satis tamen patet, illos Podagram inter & Rheumatismum non distinxisse. Ballo-nius (*d*) primus fuit, qui peculiarem de Rheumatismo tractatum conscripsit, in quo, vetustam curandi metho-

(*a*) Morbor. acutor. Lib. II. p. 139.

(*b*) Lib. XI. Cap. I. pag. 599.

(*c*) De Caus. & sig. morb. diut. Lib. II. pag. 66.

(*d*) Opera medica, de Rheumatismo.

thodum relinquens venæ sectionem commendavit. Ex recentiorum numero Sydenham, cui tot accuratas debemus morborum historias, optimam hujus morbi dedit descriptionem. Primus ille duas Rheumatismi species distinxit, acutum nempe & chronicum; quorum ille febre stipatur, hic vero sine ea est.

Rheumatismus maxime grassari solet in climatibus frigidioribus, & ubi Atmosphæra valde mutabilis invenitur, & subitæ a calore ad frigus, & a frigore in calorem mutationes occurrunt, & in Vere & Autumno. Plerumque subita frigoris applicatio corpori multum calore suffuso causa illius fit occasionalis.

Interdum hunc morbum antecedit sensus frigoris, sed plerumque, sic ut in aliis morbis inflammatoriis, lassitudo, rigor & horror, agmen ducunt malorum. Hos vero mox excipit magnus partium internarum calor, anxietas, cum pulsu duro & frequente. Uno tunc alterove die præterlapso, dolorē acuto in quadam corporis parte excruciaci incipit ægrotus, præcipue in articulis majoribus, genubus, humeris, carpis, qui dolores a calore lecti incrementum accipiunt. Interdum tamen, hi dolores ab ipso morbi initio existunt. Quo ægri corpus majori sanguinis copia turget, eo gravius affligit hic morbus, & dolores tanto vehementiores sunt, quanto febris gravior. Sæpe dolores ex uno articulo in alterum transeunt, & si graviores fuerint illum locum tumentem & inflammatum relinquunt; id vero Pringle, van Swieten, & Storck observantibus non semper obtinet. In summo dolorum acumine pulsus frequens est & parvus. Interdum dolores sine concomitante febre

accedunt, & periodis irregularibus exacerbantur, sed æger tamen, lecto incumbens semper pejus se habet. Sæpissime primum genu afficitur, in violentissimo vero morbo nulla pars præ reliquis laborat, sed ad omnes corporis articulos morbus refertur: quæ quidem ægroti conditio miserrima jure dici meretur, cum nullum omnino motum peragere, nullius, nec linteamentorum quidem attactum perferre, valeat. Maxima in doloribus obtinet mutatio, qui sæpe ab articulis ad viscera interna transeunt. Dolores post quorundam dierum spatium in una parte diminuuntur aliasque afficiunt. Interdum in viscera abeunt, in cerebrum, pulmones & ventriculum, ibique, pro ratione loci, cui incumbunt, Phrenitidem, spirandi difficultatem cum sensu suffocationis, tussim, in omnibus vero violentum excitant dolorem: historiam inconstantiae dolorum & satis quidem singularem egregius refert Storck (e). Rheumatismus articulos magis afficit, quam partes musculosas; nihilotamen minus dolores sæpe musculorum tractum sequuntur; rarissime vero minora extremitatum genicula afficiunt. Sanguis e vena missus semper crustam exhibent pleuriticam, satis notabilem, præcipue in morbo paulo provectiore. Serum etiam a crassamento subinde per 4 aut 5 horas non secedit, secessum vero, paucum & crassum est; observatum etiam fuit, id virgula elevatum fila aliquando exhibuisse. Alvus plerumque obstructa est, urina pro maxima parte multum rubet, sed sæpe sedimentum naturale deponit: sudores lenti viscidique multoties

(e) Ann. medic. secund. p. 126. & seq.

toties erumpunt , sed nullam morbi remissionem inducentes: partes vero affectæ plerumque siccæ remanent , præcipue eo sudore artis ope evocato. Nec tamen animus in ægrotis depressus observari solet. Febris duratio incerta est , interdum enim remittit , simulac dolor in aliquem articulum sese defixerit. Morbus aliquando sine evidente observata crisi evanescit , sæpe universali erumpente sudore solvitur , aut remittit , qui alio tamen tempore ne minimum quidem mali levamen inducit. Interdum quoque morbi solutio , vel saltem remissio observata fuit ex hæmorrhogia spontanea , vel copiosa urinæ excretionem cum sedimento albido crasso , rarius ex Diarrhæa. Nunquam in suppurationem , raro in Gangrænam abit hic morbus ; interdum tamen effusiones fiunt serosæ eo loco , quo maxima morbi vis efferbuit. In ægro , in quo hujusce generis materies intra scapulas colligebatur , fiebat tumor , qui magnitudine caput virile excessit , & quo aperto novem libræ feri flavi visceridi affluerunt. (f) Boerhaave quidem dolores rheumaticos periodicos observare itus & reditus contendit ; (g) qua tamen in re veteres nimis secutum fuisse videtur , qui hunc morbum cum Arthritide confundebant , cujus morbi fixi periodi neminem fugiunt. Inde & van Swieten hanc refellit Opinionem. Cessante febre dolores interdum exacerbescunt , & iis tunc longius durantibus morbus fit chronicus. Qui si quodam in articulo fixi remaneant , membrum omni orbatur motu , & incurabilis interdum consequitur Anchylosis.

DEFI.

(f) Ann. Medic. Secund. p. 117.

(g) Aphor. 1491.

D E F I N I T I O.

Ex morbi hujus hucusque tradita historia facillime apparebit, quo jure ingeniosissimi Cullen definitionem, nostram fecimus, his verbis expressam. „ Morbus ab „ externa & plerumque evidente causa: pyrexia; do- „ lor circa articulos, musculorum tractum sequens, „ genua & reliquos majores, potius quam pedum vel „ manuum articulos, infestans. (b)

D I A G N O S I S.

Morbum hunc ab aliis distinguere, cum quibus propius convenit, quanquam sæpe difficile, opus tamen est quam maxime necessarium. A Scorbuto, Syphilitide, & Arthritide, vero, quippe quæ similibus sæpe stipantur, præ reliquis, ut Rheumatismum internoscamus, necesse nobis visum est. A *Scorbuto*. In hoc quidem morbo frequenter occurrunt dolores in variis corporis partibus, ut in ventriculo, genibus, & pectore; dolores tamen Rheumatismi acuti facillime ab iis distinguuntur. Nulla enim in scorbuto adest febris, sed potius varia putredinis indicia, quæ ex gingivis putridis, & ex levissima irritatione sanguinem fundentibus, exspiratione fætida, lividis in cute maculis, & ex hæmorrhagiis in variis corporis partibus apparent. A *Syphilitide*. Ab hoc quoque morbo Rheumatismus distinguitur ex symptomatibus concomitantibus. Syphilis enim pro maxima parte, a coitu impuro derivanda, ulcusculis semper stipatur,

(b) Synops. Nosolog.

tur, primum circa genitalia, dein vero in aliis quoque partibus, ut in naribus & faucibus, colore rubicundo livido indutis. Verum enim vero, dolores veneri, quia sæpe remaneant vel recurrant, postquam venereum virus ferme expulsum e corpore, vel correctum est, hic observari juvabit, eos raro nisi nocturno tempore sævire, vel saltem hoc tempore exacerbescere, interdum quadam concomitante febre; in Rheumatismo vero acuto febris & dolores plerumque semper adsunt. In priori quoque casu dolores, osteocopi dicti, non semper ad articulos referuntur, nec unquam tumorem aut inflammationem inducunt.

Omniū vero difficillimum est Rheumatismum inter & Arthritidem distinguere, quod, ut rite fiat, requiritur, ut quædam symptomata & res circumstantes, quas quisque morbus sibi proprias habet, inter se conferantur, ex quibus quasdam hic proponamus 1°. Rheumatismus, ut ex historia morbi patuit, majores afficit articulos, doloresque translatione sæpe in aliam abeunt partem. Arthritis vero, quanquam interdum afficiat genua, id tamen in morbo inveterato tantum occurrit, victis jam magis naturæ viribus: pro maxinā enim parte ad articulos minores extremitatum, pollicem pedis, manus &c. refertur, doloresque magis fixi ibidem insident. 2°. Rheumatismus a causis quibusdam occasionalibus evidentibus inducitur, ex quibus applicatio frigoris corpori nimis calefacto primum locum meretur. Arthritis vero morbus est totius systematis a causis internis occultis oriundus, quæ solummodo a causis occasionalibus excitantur, ad quas præcipue

peculiaris vivendi ratio pertinet. 3°. Rheumatismus sicut omnes alii morbi inflammatorii ingruit horrore, insequente magno calore & pulsu frequente. Arthritidem vero plerumque præcedunt affectiones ventriculi & canalis intestinorum, & languor. 4°. Omnium frequentissime juvenes afficit Rheumatismus, & sæpe semel tantum per totam vitam, neque diu inhærescit, sed sanationem promptam plerumque admittit; Arthritis vero rarissime ante trigesium quintam vel sextum ætatis annum invadit, statis periodis redit, difficillimeque si unquam curatur; sed ut sensum claudam verbo, quam minime contemnendo, Rheumatismus cum Arthritide sæpenumero connexus invenitur, & sic diagnosin omnino deludit.

C A U S Æ M O R B I.

Semina morbi. Qui semel Rheumatismo laborarunt, facilius iterum ab eo afficiuntur. Juventus, vita sedentaria, luxuriosa vivendi ratio, temperamentum sanguineum, sexus masculinus, plethora, & omnia, quæ multum corpus debilitant, magis aptum illud ad semina hujus morbi recipienda reddunt. Inde prægressæ quoque in vitæ ratione intemperantia, magnæ evacuationes, nimium calida temperies, studium, helluationes & castra veneris ad hunc morbum prædisponunt. Idem faciunt cælum frigidum, status atmosphæræ valde mutabilis, subitæ caloris ac frigoris vicissitudines, in ædificiis humidis & recenter exstructis commoratio, ver & autumnus, & retropulsæ denique eruptiones cutaneæ.

Potestates nocentes. Inter has præ reliquis frigoris applicatio corpori nimis calefacto, & interdum quoque subitus frigidæ tempestatis in calidam transitus, recenferi merentur. In accuratissima morborum epidemicorum insulæ Minorcæ egregius Cleghorn nullam mentionem Rheumatismi fecit. Hillary quidem in Barbadis hunc morbum, sed multo rarius quam in Brittannia occurrere memorat. Quæ cum ita sint, & nos simul in mentem revocemus, hunc morbum ex iisdem causis prædisponentibus & occasionalibus oriri, ac reliquæ Phlegmasiæ, præcipue, quæ pulmones afficiunt, inflammationes, satis frequenter in regionibus his calidioribus occurrunt; difficillimum omnino erit explicatu, quare Rheumatismus in regionibus frigidioribus solis grassari consueverit. Amicus quidam, hujus rei explicationem nobiscum communicavit, quam pace illius candido lectori proponam. Verosimillimum est, inquit, quandam hujus facti explicationem derivari posse ex meditatione illius historiæ naturalis partis, quæ naturam harum regionum & tempestatum sistit, in quibus hic morbus omnium maxime prævalet. Hæ enim, experientia duce, sunt, quæ frequentissimis & maxime subitaneis aëris vicissitudinibus exponuntur. Vere nimirum & autumnis, quibus anni temporibus Atmosphæræ mutationes æque magnæ ac subitæ observantur. Superiorem vim, quam potentiæ nocentes in corpus humanum exferunt, si subito illi applicentur, nemo dubitat; cum paulatim ex habitu ipsa venena mansuescere, pateat, & corpus ea sic tandem impune ferat, quæ alio modo ap-

plicata præsentem interitum induxissent. Quæ si valeat Analogia, tota res patebit. In tempestatibus enim frigidioribus aliarum regionum, hæ solummodo enim, veras phlegmasias producere valent, frigus tam gradatim incipit, & semel inceptum vix levissimis interpositis mutationibus, per longum tempus continuat, ut non magnum in systema animale effectum dare, nec, quia in vascula extrema, ut ita dicam, ex improvise irruere non potest, illa eo modo afficere possit, ut nascatur inde status ille vasorum, qui ad inflammationem ibidem producendam sufficiat. Nihilominus tamen continua inde nata vasorum superficie constrictione tantæ ad viscera interna determinationis in causa esse potest, ut ea nascatur distensio, quæ phlegmasiam in iis accendere par sit. Sed hætenus theoriis indulgisse sufficiat.

C A U S A P R O X I M A.

Plerorumque morborum causæ proximæ profundis adhuc tenebris involutæ latent, cujus quidem ratio satis evidenter patet, quum quarundam ex præcipuis functionibus æconomiae animalis, rationes, vel penitus ignoremus, vel ex parte cognoscamus, vel conjectura assequi cogimur. Si vero causas earum rerum, quæ per sanitatem in corpore humano eveniunt, ignoremus, quomodo, quæso, earum, quæ per morbum fiunt rationem reddemus? Morborum, eorumque symptomatum causas explicandi studium, relicta veræ experientiae norma, non in artem medendi solum, sed
in

in totum genus humanum innumera cumulavit mala. Quot strages, indigestæ Medicorum theoriæ in omni ævo fecerunt? An conamina hæcce, imbecillitatis humanæ solummodo monumenta habenda sunt! An sola Medicorum ignorantia potest accusari? — Ne vero quis credat me nimis imprudenter hæc affirmasse, pace lectoris, ex innumeris, unum alterumve factum historicum proferam, quæ sic ea, quæ asserui confirmabunt, ut nullum penitus supersit dubium.

Anno cīōīōCLXIX. febris putrida pessimi moris in hac civitate Leydæ grassata est. Petechiæ, urina fætida, hæmorrhagiæ ex variis corporis partibus hujus febris symptomata fuere. Franciscus Sylvius hoc tempore hic medicinam exercens, ex cathedra morbi epidemici causam aciditatem in sanguine esse pronuntiavit. Inde & curandi methodus præconceptæ huic opinioni respondit: Absorbentia testacea, alcalia volatilia, & alia antacida, summa facta sunt febrifuga. Sic nemo certe mirabitur, his medicamentis septicis aliasve noxiis adhibitis, mortiferum quotidie increvisse morbum, & maximam incolarum partem fato occubuisse. Aliud factum tam clare hanc rem evincit, ut hic prætermitti non potest. Anno cīōīōxxviii. Fracastorio referente, febris petechialis, aut ut tunc dicebatur, lenticularis, totam ferme infestavit Italiam. Tanta Medicorum de natura hujus morbi epidemici fuit controversia, quæ, nisi tam exitiosa generi humano fuisset optimam dedisset ridendi occasionem. Nec de causa morbi, nec de regimine ægrotantium, nec de Medicamentorum administratione inter eos

constitit. Et quid denique inde consecutum est? Nil certe aliud, quam ut ipsis durantibus Medicorum contentionibus „ magna mortalium pars & nobilitas perierunt”. Magni illi viri, si magis experientiæ confidissent, quam præconceptis opinionibus aliam penitus amplexi fuissent methodum: oculis enim magis quam opinioni credendum, dicit Hippocrates. (i) Ab ipso Hippocrate etiam melius edidicissent, quid in ejusmodi morbis sit faciendum; in febre maligna quodnam illius fuit regimen? „ Potus erat aqua de farina crassa in ipsa macerata, sed, & de pomis simulque mali pumici succus, & lentis torrefactæ, & farinæ loturæ cocta”. (k)

Ipsis his diebus, postquam experimentorum & observationum numerus fundamenta posuit, quibus solida ratiocinia superstrui possint, limites excedere amamus, quibus illæ nos contrixerunt. En exemplum! Cerebrum omnis vitæ causam esse, nemo hominum ignorat, fontem etiam sensus & motus, immaterialiumque in corpore actionum organon callemus. Anne aliquid amplius ex ejus usu compertum? Imo, inquit vir, theoriarum pulchre gnarus, ex Physiologia *certissime* constat, fluidum elasticum & subtile medullosæ cerebri parti inesse; sat & verisimile est, somnum, vigiliæ vitamque ipsam, a quodam hujus fluidi mobilitatis statu pendere; simili ratione quod & hæc mobilitas a frigore vel calore imminuatur aut major fiat (l).
Cre-

(i) De Diæta n. 5.

(k) §. 7. Epidem. n. 39.

(l) Tentamen Medic. Inaug. de Venenis, p. 12. 13.

I N A U G U R A L E 15

Credat quis possit : credo equidem omnia hæc *speciosa miracula* , velut ægri somnia , nullibi *existere* , inutilesque esse iis , qui philosophiam veram atque solidam persequi nituntur. Theoriarum vel systematum exstructiones , præsens medicinæ status nondum permittit , quæ igitur , si nimis sectemur , nostra praxis periculo non carebit. Objicitur quidem , paucissimos *existere* historię medicæ scriptores , quĩ simul proprias non intertexerint Theorias , quibus igitur nos non posse , quin sequamur. Hæc tamen mihi non cristas erigit *rationandi* methodus ; si enim hominem in uno pede claudicantem , videmus , an nos ambobus vacillare cogemur ? Auctorem certe in iis imitare possumus , quæ vera ac accurata proposuit , nequaquam vero iis assentire compellamur in quibus a veritatis & accuratæ observationis tramite aberraverit. Nonnulli Medici neoterici de theoriis cum Cicerone dicere possint. ” „ Me vero delectat ; idque „ primum ita esse velim ; deinde etiamsi non sit , mihi „ hi tamen persuaderi velim. ” — Ne autem Empirices incusemur , consilium nostrum fusius sed paucis proferre superest. *Ratiocinationem* in morborum causis indagandis excludere non volumus , hoc enim æque ineptum ac debile foret ; illam autem sequi non antecedere oportet fulgentiora lumina , quæ observationes & experimenta nobis exhibent. His præmonitis , tempus est , ut ad Rheumatismi causam immediatam redeamus , quam inflammationem membranarum & aponeurosum tendinosarum musculorum , & interdum quoque ligamentorum statuimus.

P R O

P R O G N O S I S.

Rheumatismus raro lethalis est morbus, & in genere magis multivariis incommodis, quam periculo stipatur: sæpe vero in Rheumatismum chronicum abit, & dolores per totam ferme vitam continuant. Maximum periculum oritur ex dolorum permutatione, & illorum ad viscera interna determinatione, quo quidem in casu, quo majoris momenti viscus, eo magis periculum. Celeb. Tissot casum narrat robusti viri, qui illo adveniente, jam laborabat Gangræna intestinorum, a Rheumatismo, qui antea brachia & alterum genu afficiebat, oriunda. Adstantes ut dolores fugarent, applicationibus calidis & sudoribus partialibus partes affectas exercuerunt; sic sudores quidem excitabant „ mais l'humeur inflammatoire se jeta sur les intestins, l'inflammation degenera en gangrene apres trente six heures de douleurs les plus aiguës, & il mourut deux heures apres que je l'eueu.” (1)

Historiam trium ægrotorum, qui ex Rheumatismo mortui sunt, egregius refert Storck: cadaveribus duorum inspectis, magna copia materie flavæ & gelatinosæ in cavo thoracis & intra cranium inveniebatur. In tertio ægroto dolores ad pulmones translati fuere, sequebatur respiratio difficillima ut & etiam tussis violentissima, quam nullis remediis superari potuerit, & æger 14. dierum spatio, animam efflavit. In medio
pul-

(1) Avis au Peuple sur la santé. p. 119.

pulmonis cadaveris magnus apparuit faccus, qui libras quinque feri flavi, subacris cohibuit (*m*).

M E D E N D I R A T I O.

Ad partem nunc utilissimam, nec tamen facillimam hujus dissertationis perventum est, in quam hactenus dicta introductionis proprie tantum vices explent.

Arma nunc nobis quærenda sunt, quibus dirus hic morbus possit debellari: hoc ut rite fiat, duæ potissimum curationis consilia formare, me judice, convenit: 1°. *Febrem universalem inflammatoriam remove.* 2°. *ut Affectio topica tollatur.*

Primi consilii ut scopus recte attingatur, adhibenda est — *Sanguinis missio*. Antiqui medici, cum dolores Rheumaticos & Arthriticos ab humorum frigidorum defluxione (quasi *peupatis*) oriri contenderent, qui a cerebro defluentes, in articulos determinarentur, ab omnibus sanguinis evacuationibus sollicitè abstinebant, illamque in iis tantum casibus adhibebant, in quibus morbum ex superabundante humore sanguineo (ut loqui solebant) ortum trahere existimabant. Ballonius, ut antea notavimus, primus fuit, qui hoc remedio usus est, & ab illo tempore V. S. optimum in hoc morbo habita est indicatum. Sydenham illius curationem non aliunde, quam a phlebotomia sumi debere statuit. Clariss. Pringle curationem hujus morbi perfecit, V. Sectiones ferme quotidie repetendo, donec febris & dolores vel penitus conquieverint, vel multum saltem remiserint. En! ipsum audiamus. „ In
this

„ this course we may proceed the more safely, as
 „ those who are subject to this disorder are generally in
 „ the Vigour of Life, & are either plethoric, or able
 „ to bear Evacuations. Add, that frequent Blee-
 „ dings weaken the Body less perhaps in this Di-
 „ sease than in any other (n).” Lieutaud & Tissot
 valde paucas tantum venæ sectiones hoc in morbo
 commendant, quod mirum certe, cum nemo sit, qui
 ignoret, quantum in excessu hujus evacuationis sæpe
 peccarunt Galli. Lieutaud tertio aut quarto die post
 primam morbi invasionem præterlapso, a sanguinis
 missione abstinendum esse præcipit, ne morbus in lon-
 gius tempus protrahatur, & 3. aut 4 venæ sectiones
 ad hujus morbi curationem sufficere existimat (o).
 Hunc tamen egregium auctorem in limitando harum
 evacuationum numero peccasse nobis videtur. Frequen-
 tes sanguinis missiones plerumque reprehendi, nos qui-
 dem non fugit, & praxin Doctoris Pringle, quum tam
 frequenter venam incidi jubet, a multis in solis tantum
 castris adhiberi posse, judicari. Hac tamen re serius
 perpenſa, ut ego quidem opinor, in sola venæ sectio-
 ne remedium morbi tam pertinacis positum esse, in-
 veniemus. Omnia alia Phlegmasiarum genera, medi-
 camenta alia applicari sinunt, quorum usus ferme
 æquali loco cum phlebotomia poni meretur, cujus ge-
 neris sunt, Vesicatoria, Fomentationes, Sanguinis
 missiones topicæ &c. nulla temporis aut loci ratione
 habita; in Rheumatismo vero, illorum usus certis tan-
 tum

(n) Pringle's Observations, pag. 157.

(o) Synopsis praxeos Medicæ, pag. 87.

tum morbi stadiis, valet. Nullum igitur relictum nobis est remedium, cujus tam late pateat usus, & quod tantum ad febrem & dolores mitigandos valeat, præter hanc evacuationem. Nec jure hic objici potest, dari certos corporis habitus (*ιδιοσυγκρασιαι* vocant, quæ, ut illustriss. Gaubius notat, „ per generalia inexpli-
„ cabiles, sola experientia aut ægri relatu cognoscun-
„ cuntur (p),”) in quibus morbus v. sectioni non cedat. Ii enim forte sunt, qui nunquam hanc Evacuationem ferunt, & valde probabile est in illis, aliorum remediorum ope, facile morbum superari posse. Sed & alia adhuc est objectio, quæ magnam speciem præ se fert — per nimium frequentes nempe sanguinis missiones, corpus ad morbi reditum prædisponi. Nec nos idem inficias ire possumus, quippe qui nosmet ipsi omnes nimias evacuationes inter causas prædisponentes recensuimus; sed nemo unquam, me judice, præsentis mali excruciatum perferet, quia in eo removendo aliud forte supervenire possit. Et quis humani sanguinis tam avidus erit Medicus, ut v. sectionem præscribat, nisi febris, aut dolorum acuta vis id requirant; multo autem mihi crudelius videtur, permittere, ut doloribus excrucietur æger, quorum in nostra potestate positum est lenimen: præsertim cum prudenti regimine multum ad morbi reditum præcavendum valeamus.

Regimen antiphlogisticum. In omnibus, vel universalibus, vel topicis inflammationibus, unamquamque irritationem morbum augere patet: lenissimum
re-

(p) De Formul. Medicament. pag. 21.

regimen igitur summo jure commendatur. Sed quid multis? Cum Sydenhamiani descriptione regiminis, quo in hoc morbo uti conveniat, nihil melius, nihil accuratius. „ Diætam quod spectat, inquit sedulissimus ille Medicus, carnibus prorsus interdico, quin & eorum juscule, quantumlibet tenui limpidoque; quibus substituo Juscula Hordeacea, Avenacea, Panatellam, & ejusmodi. Cerevisiam tenuem mitemque pro potu tantum concedo; vel etiam (quæ magis ad rem facit) Ptyfanam ex hordeo, rad. Liquirit. Acetosæ &c. in aqua fontana incoctis. Volo interim, ut per aliquot horas singulis diebus lecto se abstineat, cum calor, quia jugi decubitu, morbum promoveat, intendatque.” (1) In eo tamen quod postremo loco posuit, pace summi viri, dissentiri cogimur. Magis enim cum natura morbi convenit, ægrotum, paucis tantum stragulis tectum, in lecto retinere, quam ex eodem remove: nam minor systemati inde applicatur irritatio. Purgantia etiam, quæ in regiminis antiphlogistici parte recensemus, ab Auctoribus in hoc morbo laudata sunt. Tissot Rheumatismi speciem interdum afficere homines vidit, quorum temperamentum, nec sanguineum observatur, nec ipsi ad inflammationes prædispositi, & inde addit: „ La saignée est moins nécessaire pour eux, quoique la fièvre soit très forte; mais il faut plus de purgatifs, & après qu'ils sont évacués, de vésicatoires, qui solagent souvent dès-qu'ils commencent à
„ agir.”

(1) In capite de Rheumatismo p. 171.

„agir.” (r) Illustriss. Baro van Swieten Rheumatismum gravem per diarrhæam spontaneam multum remisisse vidit. (s) Hoffmannus excellentiss. etiam laxantia in hoc morbo commendat. (t) Vir tamen magni nominis in Medicina, alvum exonerandi conatus, irritando systema potius nocivos existimat. Ex Auctoritatibus vero egregiis jam jam memoratis satis evidenter patet laxantia ad hujus morbi curationem multum conferre. Facta, theoriæ nunquam concedent: & nullum mihi remansit dubium, laxantibus & enematis adhibitis, multo majorem corrigi irritationem, quæ a fæcibus acris in intestinorum canali accumulatis, non posset, quin oriatur.

Medicamenta diaphoretica. In Rheumatismi acuti principio, sudores vi evocati, & febrem & dolores augent. Pringle camphoram dedit, ut lenem in cute vaporem excitaret, sed tam parca dosi usus est, ut vix ullus inde effectus expectari possit. Melius vinum antimoniale cum quarta parte Tinct. thebaicæ ex vehiculo quodam calido exhibuit Monro. Brocklesby immediate post primam v. sectionem, Nitrum propinare incepit: hujus, ægrotis suis præscripsit drachmas duas ex copia potus diluentis. Sed & copia liquorum diluentium, & ipsius nitri, cujus sæpe drachmas decem spatium unius diei exhibuit, tanta fuit, quantam nulla, nisi dura militum ilia, perferre potuerunt: Nec natura hujus morbi tantam requirit dilationem. Per aliquod tempus medicamentum quoddam

(r) Avis au Peuple sur la santé, pag. 200.

(s) Comment. in Aph. Boerhaave Tom. v. p. 667.

(t) Medic. rational. system. Tom. IV. p. 322.

dam Edinburgi celebratum fuit, ad copiosos evocandos sudores, & celeriores morbi curationem perficiendam. Pulvis dicitur Doveri, cujus Opium & Ipecacoanha basin constituit, & additis quibusdam salibus neutris moles augetur (*t*). Non a proposito nostro alienum erit, methodum hic proponere, qua Præceptor meus egregius, D. Cullen, medicamentum hocce potissimum exhibere commendat. Hoc Medicamentum cæteris sudoriferis longe præstat, quod illius ope sudorem evocamus sine tanto applicato calore, ac alias requireretur. Nam opium, jam per se magna virtute sudorifica præditum, hic cum Ipecacoanha junctum est, quæ simul cum salibus neutris magis adhuc versus cutem determinat, & interdum nauseam, immo vomitum producit. Hoc remedio uti possumus, antequam febris penitus deflagraverit, & primo statim mane optime exhibendum censeo, sic ut sudor per diem protrahi possit; diurno enim tempore, optime, frequenter exhibito potu tepido, qui multum hic valet, sudor potest sustineri; & actio insuper cordis & arteriarum interdum major est, id quod non potest, quin viribus medicamenti addat: sic & Ægroti diurno tempore melius se habere solent, quam nocturno, quo tempore morbus

exa-

(*u*) R. Salis Nitr. Tart. Vitriol. singulor. Unc. quatuor in crucibulum candens injice, agitetur donec deflagratio & scintillatio desinat, & adde Opii concisi, & in pulverem redacti Unciam unam, Rad. Glycirrh. Ipecacoanhæ optime pulveratæ singulor. Unc. unam, & dein probe misceantur omnia. Dosis a gran. X. ad scrupulos duos, vel Drachmam unam.

En formulam, longam, molestant! Nonne simplex tritura Opii cum Ipecacoanha eosdem præstaret effectus?

exacerbescere consuevit. Reponatur vero ægrotus inter pannos laneos, illi enim melius quam linei, humorem imbibunt: & linteamina insuper madefacta, paulum tantum a corpore remota, facile frigescent, & sic corpori iterum applicata, totam remedii perturbant operationem. Ipse pulvis, in forma boli, libo tectus, exhibeatur ne in ipso deglutiendo nauseam excitet; & ut vomitus præcaveatur nihil amplius liquidi concedendum est, quam, quod ad pulverem e faucibus eluendum sufficiat; deinde etiam nata nausea, multum juvat si æger a potu cohibeatur, donec aliquod sudoris in fronte erumpere incipiat, aut sensus quidam caloris candentis percipiatur. Tunc potus diluens calidus, addito forte paulum Sp. Cornu cervi aut vini, potius frequenter per intervalla, quam copiose simul exhibendus est. Si vero sudor non æquabiliter per totum corpus diffundatur; pedes enim sæpius penitus sicci remanent, reliquis corporis partibus multo sudore madentibus, qui sudores sine fructu protrahi solent; itaque in pedibus evocari debent, vel plurimis stragulis eos tegendo, vel potu calido leniter stimulante exhibendo, vel lagenas, aqua calida repletas, aut lateres calefactos iis supponendo. Sin vero magnus requiratur calor externus, & calore valde excandescat ægrotus, magna cum siti & anxietate, nec sudore interim libere prorumpente, non sine periculo vi quasi sudorem expellere conabimur; desistendum igitur est, & nonnullis tegumentis remotis, ægrotus recreandus. Si vero ex votis, sudor libere proveniat, per duodecim horas saltem protrahi debet, nisi, id quod melius per 24. fieri possit; nec immo per 48. horas modice continua-

tus, noceret. Panni lanei durante sudore impune possunt mutari; sed sudore ad finem perducto, per 12. aut 24. horarum spatium, in lecto ut remaneat ægrotus, necesse est, ut omnem frigoris applicationem & novum inde morbi impetum corpori caveat. In morbo vero valde refractorio alia pulveris dosis vespertino tempore exhibenda erit, ut eo melius sudor protrahatur. Morbo & jam profligato, indusium ex lana confectum, ad reditum nimis promptum hujus morbi præcavendum, per aliquod tempus maximo cum fructu utendum foret.

Secundum, quod proposuimus, consilium, ut impleatur, & quibus remediis utimur, nunc paucis addendum est. *Fomentationes* in hoc morbo Sydenham, Tissot & Lieutaud multo ocyus præscripserunt, ac nunc commendari solent. Et in genere, morbo adhuc vigente dolores, quatenus inveni, hæ reddunt graviores; remota vero diathesi phlogistica universali, & morbo cuidam loco præ reliquis insidente, magno cum fructu possunt adhiberi. In quibusdam casibus balneum calidum: in paucis aliis frigidum, dolores superavit, qui rebelles omnem medicamentorum internorum applicationem contempserant; clariss. tamen Monro lubenter concedimus, balnei frigidi applicationem, si febris nondum subacta fuerit, morbum in pejus vertere. Hoc remedio melius uti convenit in Rheumatismo, qui in morbum chronicum abire minatur. — *Sanguinis missiones topicæ*, quamdiu systemati inhærescit febris universalis nullum locum habent; si enim cuidam parte applicentur, dolores, natura mutabiles, paulo post ad alium articulum trans-
eunt,

unt, & sic non ullum commodum admittunt. Si vero diathesi phlogistica, frequenter venam secando, pro maxima parte remota, dolores remanerent; & si ii cuide[m] parti fixi infideant, cum tumore præsertim & rubore stipati: tunc tandem sanguinis missiones topicæ maximò cum fructu adhibentur, & ne morbus in speciem chronicam abeat, cavent. In illis etiam hoc morbo laborantibus, quos imbecillis corporis habitus senilisque forte ætas opprimit, rarissime etsi id accidat, & quoniam ex detractiõne sanguinis generali plus noxæ quam auxilii illis consecuti fuerint, ab evacuationibus topicis maxima compendia putamus. Magno cum ægrotantium levamine sanguiifugis usus est Pringle, easque simulac tumor in quadam parte apparuit, applicavit, sanguinem etiam libere effluere permisit, donec per se sisteretur. Nec cucurbitularum cruentarum & scarificationum usus hic contemnendus est. Illæ tamen omnibus æque partibus non possunt applicari, & in illarum inde loco hirudines adhibeantur, quarum omnis numerus, a sexto ad duodecimum usque potest concedi. — *Opiata*. Summos dolores, quibus ægrotantes in hoc morbo excruciantur, si animo perpendimus, maximopere esset in votis, ut Anodynis impune uti nobis liceret: hic tamen Eheu! morbi natura nos ab iis abstinere jubet, jubet & auctorum consensus. Sydenham, magnus ille Anodynorum patronus, jam olim observavit, Opiatorum usum morbum hunc magis defigere, & quin v. sectionibus dein tam facile cedat impedire, & in hac re magna Medicorum turba, ut Hoffmannus, Van Swieten, Pringle, Macbride, Stork,

Lieutaud, Tissot, eum auctorem secuti sunt. Pessima sedantis hujus remedii effecta præcipue observantur si dolorum aut febris exacerbatione exhibentur; Nec opiata topice utenda sunt, affectiones enim paralyticas sic inducere, bene cognitum est. Fugata vel remittente tamen febre, doloribus nihilominus pertinacius remanentibus, illorum usus haudquaquam contemnendus nobis videtur. Relatum mihi fuit ab A. Stevenson M. D. & Med. Professore Glasguensi, viro egregio, & pro certo fide dignissimo, quod opium magnis dosibus in hoc morbo, sicut aliis phlegmasiis præstantes habuit effectus, & ut mea memoria est, opii ad grana quatuor usque pro dosi exhibiti mentionem fecit. En! quoque casus, in quibus remedii hujus exhibitio conveniat: „ si ex nimia „ dolorum exacerbatione tendinum subsultus, & „ membrorum convulsiones ortæ sunt (quod aliquoties contigit) tunc opio, per epicrasin dato, licuit „ mitigare, sopire” (v).

Vesicatoria, sicut alia Antispasmodica, ut terminis utar, qui nunc a multis in Medicina adhibentur, si premature applicantur, dolores & inflammationem augent. Remissa tamen febris vi, mala ulla symptomata ab eorum usu nunquam observavit Stork; epidermide enim vix adhuc elevata, dolores vel omnino cessabant, vel saltem multo imminuebantur; Epispastica etiam multum ad Rheumatismum chronicum prævertendum commendari merentur. — *Corticem peruvianum*, inter indicata curatoria haberi, existimamus.

Ali-

Aliquando in hoc morbo pulsus matutino tempore a frequentia sua remittere observatur, & dolores diurna luce gradatim sic oblitterantur, ut ægrotus penitus ab iis liberum sese putare inducatur. Ingruente tamen vespere in spe sua se delusum deprehendit—Febris enim magna cum vi recurrit, & per quasdam noctis horas dolores acutissimi sentiuntur. Interdum quoque tempore matutino sedimentum lateritium plus minus in urina deponitur; illa quidem sedimenti species antea febribus intermittentibus propria habita fuit, sed in omni dein genere febrium inflammatoriarum observata fuit circa tempus solutionis, & nil, nisi notabilem morbi remissionem indicat. Rebus tamen ita se habentibus, & exacerbationes & remissiones, si manifestæ observantur, non dubitamus, quin, præmissis, quibus opus est, evacuationibus, multum valeat cortic. peruviani usus. Magnæ enim illius doses, eo tempore, quo morbi impetus remiserit, exhibitæ, ut paroxysmum vespertinum intercipient magno jure potest sperari. Nec desunt auctores & quidem magnæ nominis, qui suis suffragiis hanc opinionem confirmant: in casibus jamjam memoratis corticis usum multum commendat clariss. Macbride (w). Egregius alter Medicus J. Sims, refert, quod cum pulsus mollior, febrisque remissio levis observari potuisset, tunc corticem peruv; optimo cum fructu exhiberi jussit, etsi in principio symptomata ab ejus usu in pejus prolabi videbantur (x). Nec hæc quidem res, omnem, ob quam hoc præstantissimum remedium laudanda-

(w) Theory & Practice of Physic. pag. 502.

(x) Observat. on Epidemic Disord. pag. 79.

dari meretur, usum absolvit. Si enim & febris & dolorum acuta vis repetitas requirit V. sectiones, quibus adhibitis, magna systemati debilitas inducatur, necesse est, egregium illud medicamentum satis cito debitum solidis tonum & vim restituit, & prædispositionem ad morbi recursum, quæ tanta in hoc morbo observatur, tollit, eoque nomine optimis remediis prophylacticis annumerari summo jure meretur.

Sic ad umbilicum perduximus ea, de quibus proponere statueramus, sed quanta cum voluptate ii judicent, in quos idem molestum opus incubuit. In animo quidem nobis fuit, pauca addere, quæ prophylaxin morbi hujus molesti comprehenderent; re tamen hac serius perpenſa, hic potius desistere putavimus, quam inutile opus multo labore prosequi. Hæc enim temporum nostrorum est conditio, ut ejusmodi res ab omnibus ferme neglegantur, si paucissimos eos exceperis, quos *æquus amavit Jupiter*. Cum Tacito etiam, quum de republica loquitur, hic dicere possemus: „Potius alii homines quam alii mores.” Inde cum Poeta:

Quid leges sine moribus

Vanæ proficiunt?

In illis quidem regionibus insularibus, Rheumatismi frequentiam situi præcipue tribuendam esse, nemo dubitat; In insulis nimirum majus non solum frigus prævalet, sed maximæ etiam in iis occurrunt tempestatum vicissitudines, quæ, quomodo Rheumatismum inducant, antea observatum fuit. Ex innumeris commodis, quæ ex aëre recipimus, nec illud minimum judicari meretur, quod in motum perductus aër

liberam & salutarem auram nobis dat spirandam; vel ut elegantius Poëta, quo amicitiae vinculis mihi conjuncto, dilector, exprimit,

*Th' ambient air refine,
The baleful vapor chase, & Fog obscene
Life's subtil Enemies, insidious, rank,
Whose deep envenom'd poison soon might fill
Our lab'ring Vitals with convulsive Death.*

Antequam demum operi huic finem imponam, superest, gratum animum, quo præ reliquis celeberrimos Academiae Edinburgensis Professores, ob beneficia, quibus me exornarunt, eximia, prosequor, publice profitear. Nec ut ea, quæ dignissimæ societati Medico-physicæ, debeo, taceam, vetat gratitudo, vetat animi integritas. Ibi enim utile dulci optime mixtum, veritatem puram avidissime persecutam & audacter sine fervili magnorum virorum sectatione, aut nimio sectarum cujuscunque generis studio, defensam videmus. Professoribus tandem hujus illustrissimæ Academiae grates a me maximæ debentur, dumque memor ipse mei illorum non, nisi summa cum reverentia, recordabor. Inter hos, Viros illos humaniss. H. D. Gaubium & G. van Doeveren, censeo; haud arduum est mente consequi, difficillime tamen depingere, quæ, animo minime ingrato, ob amicitiam ex viris his inclytissimis expectam, obveniunt. Lector Benev., denique non possum, quin tibi congratuler, qui mecum hoc inconcinnum, nec pumice mundum opus, infecutus es, sed nunc finem attigisti proprii laboris, & amici tui — Amici tui! non dubito enim, quin auctoris sis amicus, qui in totum genus humanum amicitiam profitetur.

T H E S E S.

I.

Theoriæ maximorum malorum fons in Medicina extitere ; Nec , earum aut Systematum exstructiones præsens etiam Medicinæ status permittit.

I I.

Experimenta , e converso , & observationes maximum commodum adduxerunt. Et ex horum indagationibus rite ac castissime institutis incrementum scientiæ hujus utilissimæ solummodo nititur.

I I I.

Sanguinis missiones in morbo jamjam tractato , palmam præ omnibus fere remediis præripiunt. Cætera antiphlogistica statis morbi periodis tantum adhiberi possunt.

I V.

Opium a multis practicis in hoc morbo non exhibetur antequam Diathesis phlogistica remota sit ; A Viro autem antea laudato asseritur id magnis dosibus quam optimos edere effectus. Sed Dies doceat.

O D E
T O
HENRY MACNEALE
KENNEDY,

ON ATTAINING THE SUMMIT OF
MEDICAL HONOURS.

O! for Pindaric fire
T'accompany my *new-strung* Lyre,
And welcome, tho' in native strains
My Friend to fair Ierne's Plains!

Nor thou, Dear Youth! disdain
The friendly, heart-sprung Strain
Which, following no pedantic Rules,
Nor idle Pomp of crabbed Schools,
In *native* Sounds, full-flowing, clear,
Expresses Love & Joy sincere!

Hail, nobly-minded Youth!
Fast Friend of open-fronted Truth!
Whose manly Soul rejects with Scorn
* Fair, fleeting Forms of Folly born;
Resolv'd with reasoning Eye to see
Undazzled by bright Theory,
Which sometimes right, & sometimes wrong,
Misleads sequacious crouds along.

All

* See Dissertation.

All hail! who with no venal Guile,
(Humanity, with gentle Smile;
Rejoicing by,) for no base End,
Thy self declarest * „ Mankind's Friend”

Nor would th' adventurous Muse presume
Her long-forgotten Strain t'assume,
And mid th' illustrious circle, gay,
Of learned Friends, her court to pay,
Could she resist the heaven-sprung Fire,
Or charming God who tunes the Lyre.

As late in that sweet Grove I Lay
Where we've so oft deceiv'd the Day,
With philosophic converse, mild,
Or Poesy free flowing, wild,
Or serious truths, of nobler Kind,
Which purify th' exalted mind.
The Birds high-rai'd their evening Song;
The gentle Breezes swept along,
O'er the fresh Herbage, waving, green;
And crimson'd Phæbus beam'd serene.

A soothing Slumber o'er my Frame
Had softly crept, & dead to Fame,
Forgetting all things even to you,
(Which of all Truths seem'd most untrue,)
I Lay. When lo! the Muse was there,
And pulling, soft, my curling Hair;

, Inglorious Youth, arise!
, Nor shame thy kindred of the Skies!
, From that ever-blooming Grove,
, Where deathless Bards, majestic, rove,
, Fast

* See Dissertation.

„ Fast by the pure pierian Spring,
„ An high Behest to thee I bring.
„ Thro' bright Apollo's Court fair Fame
„ Has ecchoed thy dear Henry's Name,
„ And told the ray-rob'd Deity
„ That a far-fam'd Society,
„ His favor'd sons, decreed the Crown
„ Of Æsculapian-Laurel, won
„ By a bright Youth's unceasing Toil,
„ From fair Dunkernia's sea-beat Soil.

„ Tis well! repli'd the God,
(Olympus brightening at his placid Nod,)
„ Well have our sons decreed
„ That gen'rous Youth the well-earn'd Meed!
„ Clio! to Earth descend,
„ And seek his much-lov'd Friend,
„ Bid him, in flowing Verse reveal
„ Th'harmonic Deity's high will,
„ And tell our Sons, in well-tund Lays,
„ How justly they've dispos'd the glorious Bays.” —

— She said. — When from the Neighb'ring Grove,
Soft-warbling votive Strains of Love,
My fair Emillia sung;
Forgive, Dear Youth! th'enamour'd Bard,
Who, listless quite of what he heard,
Impatient, to her sprung! —

May white-rob'd Candor still attend
The Footsteps of my gentle Friend!
For Merit fair need but be known,
And Mankind will confirm the Crown.

